



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

XXV. De promotione, & confirmatione Guardianorum pro provincia S.  
Bonaventuræ Minorum de Observ.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



INNOCENTIUS PAPA XII.

*Ad futuram rei memoriam.*

**A**lias fel. rec. Innocentio PP. XI. Prædeces-  
sori nostro pro parte tunc existentis Vi-  
carii Provincialis Provinciae Franciae Ordinis  
Fratrum Minorum S. Francisci de Observantia  
nuncupatorum tam suo, quam Diffinitorii ejus-  
dem Provinciae nomine juxta Capitularem re-  
solutionem die 3. Maji tunc proxime præteriti  
factam exposito, quod cum juxta Sedis Aposto-  
licae, dictique Ordinis Constitutiones, quae a  
quindecim circiter abinde annis suum fortitæ  
fuerant effectum, Guardiani in suis Officiis ul-  
tra triennium continuare non possent, nec de-  
berent, minusque plura officia in eadem persona  
combinari, dicta autem Provincia ita vasta, &  
ampla existeret, ut rarus in ea esset, & vix suf-  
ficeret numerus Religiosorum iis qualitatibus  
prædictorum, qui triginta octo Conventus, &  
duobus Hospitiis, quibus Provincia prædicta  
componebatur, digne, & laudabiliter sub Guar-  
diani, vel Superioris titulo præficerentur Fra-  
tres Diffinitorii ejusdem Provinciae in eorum  
Provincialibus Capitulis, & Congregationibus  
intermediis plures non quidem habiles, sed inter  
cæteros minus inhabiles ad Guardiani officium  
promovere coacti fuerant. Et in eadem exposi-  
tione subjuncto, quod dictus Vicarius Provin-  
cialis in decursu Visitationum Conventuum hu-  
jusmodi, quas fecerat, regularem disciplinam  
exinde in plerisque eorum non mediocrem per-  
pessam fuisse jacturam, ipsamque Provinciam  
varia eaque magna in spiritualibus, & tempo-  
ralibus detrimenta in dies expediri animadvertisset,  
& ut opportunum his incommodis re-  
medium adhiberetur, idem Vicarius Provincialis  
Fratribus Diffinitorii dictæ Provinciae, ut in  
tunc proximo eorum Capitulo Provinciali Guar-  
dianos, quos magis idoneos reperissent in suis  
officiis usque ad sequens Provinciale Capitulum  
absque præjudicio suffragiorum ejusdem in ele-  
ctionibus competentium, & perinde ac si per  
tres annos tantum Guardiani existissent, non  
solum continuare, sed etiam in uno, eodem-  
que Religioso alias capaci, & idoneo, illa offi-  
cia ipsum vacare posse judicassent continuare  
libere, licite, & valide possent, & valeret a  
prædicto Innocentio Prædecessores indulgere plu-  
rimum desiderabat; Idem Innocentius Præde-  
cessor supplicationibus dicti Vicarii Provincialis  
nomine sibi super hoc humiliter porrectis, in-  
clinatus, Provinciali, & Diffinitoribus prædictæ  
Provinciae, quoties necessitas exigeret, confir-  
mandi Guardianos in eorum officiis ultra trien-  
nium, & usque ad Capitula Provincialia, salvis  
eorum Juribus, & prerogativis, necnon eli-  
gendi ad Guardianatus officium eos, qui Dif-  
finitoriatus munere fungebantur, facultatem au-  
thoritate Apostolica concessit, & impartitus fuit,  
& alias prout in ipsius Innocentii Prædecessoris  
litteris desuper in simili forma Brevis die 12.  
Februarii 1678. expeditis, quarum tenorem præ-  
sentibus pro plene, & sufficienter expresso, &  
inserto haberi volumus, uberius continetur.

**S. 1.** Cum autem sicut dilectus Filius Franci-  
scus le Roux Minister Provincialis Provinciae S.  
Bonaventurae dicti Ordinis in Sacra Theologia  
Doctor tam suo, quam Diffinitorii Provinciae  
S. Bonaventurae hujusmodi nomine Nobis nu-  
per exponi fecit, in Provincia S. Bonaventurae  
præfata eadem prorsus rationes, imo urgen-  
tiores militent, quandoquidem ipsa Provincia  
S. Bonaventurae in Provincia Franciae prædicta  
amplior existit, majorque in ea, quam in qua-  
vis alia dicti Ordinis Provinciae Conventuum  
numerus reperitur, ac proinde dictus Franci-

Hujusmodi facultas pri-  
mo concessa  
fuit ab Inn.  
XI. Provin-  
ciae Franciae.

Causa exten-  
sionis præd-  
icte facultatis Et  
preces Mini-  
stri Provin-  
cialis.

rum singulares Personas a quibusvis excommu-  
cationis, suspensionis, & interdicti, aliisque Ec-  
clesiasticis sententiis, censuris, & poenis a Jure,  
vel ab homine quavis occasione, vel causa la-  
tis, si quibus quomodolibet innodatae existunt  
ad effectum præsentium dumtaxat consequen-  
dum, harum serie absolventes, & absolutas  
fore censentes, hujusmodi supplicationibus in-  
clinati de Venerabilium Fratrum Nostrorum  
S. R. E. Cardinalium negotiis, & consultationibus  
Episcoporum, & Regularium præpositorum con-  
silio, prævia separatione Territoriorum, & Ju-  
risdictionum, qua mediante Territoria Castro-  
rum, seu Terrarum Sancti Pii, & Caporciani,  
ac in illis omnimodam Jurisdictionem eidem  
moderno, ac pro tempore existenti Episcopo  
Aquilano, Castri vero seu Terræ Sancti Bene-  
dicti in Perillis Territorium, & in illo omni-  
modam quasi Episcopalem Jurisdictionem Mo-  
nachis Congregationis supradictæ, seu pro tem-  
pore existenti Abbati Monasterii Collis Madii  
ejusdem Congregationis respectivè auctoritate  
Apostolica tenore præsentium assignamus, eam-  
dem concordiam, consecutumque desuper In-  
strumentum, cum omnibus, & singulis in eo  
contentis, alias tamen licitis, & honestis aucto-  
ritate, & tenore prædictis confirmamus, & ap-  
probamus, illisque inviolabilis Apostolicæ fir-  
mitatis robur adjicimus, ac omnes, & singulos  
Juris, & facti defectus, si qui desuper quomodo-  
libet intervenerint supplemus, salva tamen sem-  
per in præmissis auctoritate Congregationis eo-  
rundem Cardinalium.

**S. 2.** Decernentes eandem præsentem literas  
semper firmas, validas, & efficaces existere, &  
fore, suosque plenarios, & integros effectus for-  
tiri, & obtinere, ac illis ad quos spectat, & pro  
tempore spectabit, in omnibus, & per omnia  
plenissime suffragari, & ab eis respectivè invio-  
labiliter observari: Sicque in præmissis per quo-  
cumque Judices Ordinarios, & Delegatos, etiam  
Causarum Camerae Apostolicæ Auditores, judicari,  
& definiri debere; ac irritum, & inane, si secus  
super his a quoquam quavis auctoritate, scienter,  
vel ignoranter, contigerit attentari.

**S. 3.** Non obstantibus fel. recor. Pauli II. &  
aliorum Romanorum Pontificum Prædecessorum  
Nostrorum de rebus Ecclesiae non alienandis,  
aliisque Constitutionibus, & Ordinationibus Apo-  
stolicis, ac quatenus opus sit Ecclesiae Aquila-  
nan. Monasterii, & Congregationis, Monacho-  
rum hujusmodi, aliisque quibusvis, etiam Jura-  
mento, confirmatione Apostolica, vel quavis  
firmitate alia roboratis statutis, & consuetudi-  
nibus; Privilegiis quoque Indultis, & Literis  
Apostolicis in contrarium præmissorum quomo-  
dolibet concessis, confirmatis, & innovatis. Qui-  
bus omnibus, & singulis illorum tenores præ-  
sentibus pro plene, & sufficienter expressis, &  
de verbo ad verbum insertis habentes, illis  
alias in suo robore permanens ad præmissorum  
effectum hac vice dumtaxat specialiter, & ex-  
presse derogamus, cæterisque contrariis qui-  
buscumque.

Datum Romæ apud S. Petrum sub Annulo  
Piscatoris die XIV. Februarii MDCXCIII. Pon-  
tificatus nostri Anno Secundo.

Separatio,  
& concessio  
Territorio-  
rum, ac Ju-  
risdictionum  
prædicta-  
rum.

Confirmatio  
Concordiæ,  
& Instru-  
menti.

Clausula.

XXV.

Extenditur facultas confirmandi Guardianos,  
& promovendi Diffinitores ad Guardianatum  
pro Provincia Franciae ad Provinciam S. Bo-  
naventurae Fratrum S. Francisci de Obser-  
vantia.

*Dicta facultas Provinciae Franciae extat Innoc. XI.  
Const. ed. 1678. Feb. 12. Et hujus Pontificis Const.  
ed. 1694. Apr. 5. P. 5. agitur de electione Pro-  
curatoris, & Commissarii Gen.*

scus



scus Minister Provincialis facultatem a memorato Innocentio Prædecessore pro dicta Provincia Franciæ sicut præmittitur, concessam, ad Provinciam S. Bonaventuræ præfatam per nos extendi summopere desideret: Nos ipsum Franciscum Ministrum Provinciale specialibus favoribus, & gratis prosequi volentes, & a quibusvis excommunicationis, suspensionis, & interdici, aliisque Ecclesiasticis Sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, ac audita super præmissis dilecti Filii Procuratoris Generalis dicti Ordinis relatione, facultatem Provinciam, & Diffinitoribus Provincie Franciæ prædictæ quoties necessitas exigeret confirmandi Guardianos in eorum officiis ultra triennium, & usque ad Capitula Provincialia, salvis eorum Juribus, & prærogativis necnon eligendi ad Guardianatus officium eos, qui Diffinitoriatu munere fungebantur a prædicto Innocentio Prædecessore per suas literas præarratas concessam, ut præfertur ad prædictam S. Bonaventuræ Provinciam, servata tamen earumdem literarum forma, & dispositione, ac itaut circa temporis extensionem conscientia pro tempore existentis Ministri Generalis dicti Ordinis onerata intelligatur, auctoritate prædicta tenore præsentium, extendimus, & ampliamus.

Extensio facultatis præd. ad aliam Provinciam.

Clausula.

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit plenissime suffragari: sique in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, necnon Provincie S. Bonaventuræ, & Ordinis prædictorum, etiam Juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus, pro plene, & sufficienter expressis, ac ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Petrum sub Annulo Piscatoris die XX. Februarii MDCXCIII. Pontificatus nostri Anno Secundo.

XXVI.

Abrogantur Discreti Locales pro Capitulis Fratrum Capuccinorum Provinciarum utriusque Castellæ.

*Octo Provinciis Germaniæ concessum fuit votum in Capitulis ab Innoc. XI. Const. ed. 1679. Jan. 10. P. 3. Et ab hoc Pontifice declarata, & ampliata præfens abrogatio Constit. ed. 1693. Septem. 12. P. 2.*

Dat. 29. Mar. 1693. An. 2.

INNOCENTIUS PAPA XII.

*Ad futuram rei memoriam.*

Causæ similis abrogationis pro aliis Religiosis.

Nuper pro parte charissimi in Christo Filii Nostri Caroli Hispaniarum Regis Catholi-

Bullarii Rom. Contin. Pars VI.

ci Nobis per dilectum Filium nobilem virum modernum Ducem de Medina Cæli ipsius Caroli Regis apud Nos, & Sedem Apostolicam Oratorem expositum fuit, quod tam Prædicatorum, & Minorum S. Francisci de Observantia nuncupatorum, quam aliorum diversorum Ordinum Fratres in Regnis utriusque Castellæ existentes sua Capitula Provincialia cum interventus Superiorum Localium Conventuum Ordinum hujusmodi absque Discretis, seu Sociis, qui olim ab ipsis Conventibus ad effectum sua suffragia ferendi in eisdem Capitulis eligi consueverant, de præsentibus celebrari solent; id siquidem præterquam quod Decretis Concilii Tridentini sub Sess. 25. Cap. 6. ibi: *nec in posterum liceat Provinciales, aut Abbates, Priores, aut alios quoscumque Titulares ad effectum electionis faciendæ constituere, &c.* magis conformè videtur; necessarium quoque compertum est tum ad tollenda damna, & incommoda, quæ ex eorumdem Discretorum, seu Sociorum electione in Religiosæ pacis, & concordie, quæ in Ordinibus prædictis semper florere debet, præjudicium proveniebant; tum ad impediendas relaxationes quas dependentia, quam tunc Superiores a suis Subditis habebant, producebat; Ipsi enim Superiores, ut dictos suos Subditos, pro iis in Discretos, seu Socios hujusmodi eligendis, quos ad effectum se in perpetuo suarum Provinciarum gubernio confovendi eligi necesse erat, benevolos haberent, Regularis disciplinae conservationi, pro ut eorum Officii erat, incumbere negligebant. Quocirca quoties dictorum Regnorum Religiosi Regularis disciplinae hujusmodi tuendæ zelo ducti, ad ipsius Caroli Regis patrocinium pro eorumdem Discretorum, seu Sociorum abrogatione ab hac Sancta Sede impetranda confugerunt; illud semper adfuit, donec ejusmodi gratiam consecuti fuerunt.

§. 1. Cum autem, sicut eadem expositio subjungebat dictus Carolus Rex certior factus fuerit Fratres Ordinis Minorum ejusdem Sancti Francisci Capuccinorum nuncupatorum in Regnis præfatis existentes, non modo eadem incommoda, & damna, quæ olim Religiosi aliorum Ordinum præfatorum ex electione Discretorum, seu Sociorum hujusmodi experti fuerant, pati; Sed alia multa concurrere, propter quæ Fratres prædicti usum eligendi Discretos, seu Socios prædictos in Provinciis dictorum Regnorum abrogare plurimum desiderant: adeoque ipsius Caroli Regis zelum sollicitant, ut Apostolica desuper auctoritatis nostræ partes interponi similiter curet.

§. 2. Nobis propterea ejusdem Caroli Regis nomine per memoratum Ducem humiliter supplicatum fuit, ut in præmissis opportune providere, & ut infra indulgere de benignitate Apostolica dignaremur.

§. 3. Nos igitur piis ipsius Caroli Regis votis hac in re quantum cum Domino possumus, favorabiliter annuere volentes, hujusmodi supplicationibus inclinati, de Congregationis nonnullorum ex Venerabilibus Fratribus nostris S. R. E. Cardinalibus a nobis specialiter deputata consilio, Discretos præfatos in Provinciis utriusque Castellæ Fratrum dicti Ordinis Capuccinorum auctoritate Apostolica tenore præsentium tollimus, & removemus.

§. 4. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit inviolabiliter observari sique in præmissis per quoscumque Judices Ordinarios, & Delegatos, etiam causarum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

Causæ d. abrogationis pro Capuccinis.

Preces Regis Catholicæ.

Abrogatio præd. Discretorum, seu Sociorum.

Clausula.